

Forslag til vedtekter for Vestland Folkemusikklag

§1 Føremål

Vestland folkemusikklag (VFL) skal arbeida for å ta vare på og vidareformidla folkemusikktradisjonane på vestlandet, primært innanfor Vestland fylke. Det skal slik auka kunnskapen om og interessa for tradisjonelt spel, song og dans i området.

Lokallag i tilgrensande område kan søkja om medlemskap.

§2 Oppgåver

VFL skal:

- Samordna arbeidet mellom lokallag, områdelag og FolkOrg .
- Medverka til skiping av nye lokallag der det ligg til rette for det.
- Organisera opplærings- og kursverksemd.
- Vera kontaktledd mot offentlege organ/styresmakter.
- Søkja kontakt med andre organisasjonar, lag og einskildpersonar det kan vera verdfullt og naturleg å samarbeida med.
- Syta for at det blir halde fylkeskappleik og distriktsskappleikar kvart år.
- Ta opp saker/problemstillingar av interesse for lokallaga og medlemene.

§3 Medlemskap

VFL er tilslutta Folkemusikk- og folkedansorganisasjonen i Noreg (FolkOrg). Alle lokallaga innafor området tilslutta FolkOrg er og medlem i VFL. Medlemer i lokallag blir og medlem i VFL. Einskildmedlemer kan bli direkte medlem i VFL dersom dei ikkje naturleg kan vera medlem i eit lokallag.

§ 4 Årsmøte

- Årsmøtet er høgaste instans i VFL, og vert halde kvart år i mars månad. Er det landsmøte i FolkOrg, skal årsmøtet haldast før det.
- Alle medlemmer har møte og talerett, kvart lag har rett på to utsendingar.
- Framleggs- og røysterett har dei valde utsendingane og styret i VFL.
- Saker som skal handsamast på årsmøtet må meldast skriftleg til styret innan 31.januar.
- Styret fastset tid og stad for årsmøtet og sender skriftleg innkalling til medlemslaga 3 veker før møtet. Saman med innkalling skal følgja årsmelding, rekneskap innkomne saker til handsaming.
- Årsmøtet er vedtaksført når det er lovleg innkalla.
- Alle saker utanom vedtektsendring og oppløysing vert avgjort med simpelt fleirtal. Ved likt røystetal har leiar dobbelrøyst.

Dagsorden på årsmøte:

1. Namneoppprop
2. Val av møteleiar
3. Val av møtereferent(ar)
4. Val av to til å signera protokoll
5. Godkjenning av innkalling
6. Godkjenning av dagsorden
7. Årsmelding
8. Rekneskap
9. Innmelde saker
10. Handlingsplan for komande år og langtidsplan for 3 år
11. Fastsetjing av kontingent for lag og medlemer
12. Budsjett
13. Val

§5 Val

Styret er samansett av ein leiar og fire faste medlemmer. Leiaren vert vald av årsmøtet for eitt år, styremedlemmene for to år slik at to er på val kvart år. Dessutan vel årsmøtet for eitt år tre varamedlemmer til styret. Det skal også veljast ei valnemnd på tre personar for eitt år, der ein vert vald som leiar. Om det vert kravd, skal det veljast revisor. Dersom nokon av utsendingane krev det, skal vala skje skriftleg. Styret konstituerer seg sjølv.

§ 6 Styret

- Styret er ansvarleg for leiing av VFL og skal gjennomføra drifta i samsvar med vedtekter, arbeidsprogram og andre retningslinjer som årsmøtet dreg opp.
- Styret kan elles ta opp saker som ligg innanfor laget sitt føremål og arbeidsoppgåver.
- Styret er ansvarleg for gjennomføring av årsmøtet i samsvar med gjeldande vedtekter.
- Styret vel utsending til landsmøte i FolkOrg.
- Styret er vedtaksført når minst tre av medlemmene er til stades. Leiaren kallar inn til styremøte og er ansvarleg for leiing av møta.
- Styret skal teikna ansvarsforsikring for styret.
- Referat frå styremøta skal kunngjerast på laget si heimeside snarast råd etter møtet.

§ 7 Omframnt årsmøte

Dersom styret eller 1/3 av medlemslaga krev det, skal det haldast omframnt årsmøte. Omframnt årsmøte skal innkallast seinast 3 veker før møtet. Saman med innkallinga skal følgja sakliste.

§ 8 Heidersmedlemskap

Styret kan utnemna til heidersmedlem den som har arbeidd særleg godt og lenge for føremålet. Heidersmedlemmer skal ha synleg prov på æra og gå fritt på alle arrangement som VFL skipar til.

§9 Vedtektsendring

Endring i desse vedtektene kan berre gjerast på årsmøte eller omframnt årsmøte, og må då ha minst 2/3-dels fleirtal.

§10 Oppløysing

HFL kan berre oppløysast etter årsmøtevedtak, og må då ha minst 3/4-dels fleirtal. Laget sine eigneluter skal då takast vare på av FolkOrg.

Dersom laget ikkje vert teke oppatt på same grunnlag innan 5 år, skal FolkOrg og eit leiarmøte frå lokallaga avgjera på kva måte eventuelle midlar kan nyttast til beste for den tradisjonelle folkemusikken og folkedansen innan området.

Flekke, Naustdal, Tørvikbygd, Osterøy 17.12.2021

Arbeidsgruppa for samhandling mellom områdelaga i Sogn og Fjordane og Hordaland



Knut David Hustveit Ingrid Schei Stuhaug Per Øyvind Tveiten Åslaug Timenes Bell

